




Te Avae Setepa 1953

TE HEHEURAA API

“E PATU VAU I TO’OE RA TERONO.”

Taumata a Tukuravehe

*“Ua faauhia e au te faufaa i tei haapaohia
eau ra; ua tapu vau i tau tavini ra ia Davi-
da, e haamau a vau i to’oe ra huaai e amu-
ri noa’tu, E PATU Vau I TO’OE RA TE-
RONO e tae noa’tu i te mau ui atoa ra.
Salamo 89:3-4.”*

I te piti no te avae Tinnu i mairi iho nei i tupu ai te hoê oro’a rahi hau atu i te mau oro’a atoa i tupu i teie matahiti 1953 i roto i te ao taatoa nei. I te reira mahana i faatahinu hiaî o Elizabeta II no Paratane ei Arii Vahine no tana Hau rahi ra. E vahine ui apî mata purotu teie o Elizabeta. E matahiapo oia no te opu Arii o Tihoti VI, to’na metua tane, te Arii hopea no Paratane tei mate a’enei. Ua faai-poipo hia na hoi oia i te hoê tamaiti Hui Arii, e mata purotu atoa, no Heleni, o Philipa te i’oa. Eaha i te huru? Eaha i te huru te faito o te hanahana e te tura, te mana e te hinuhinu o teie na Arii apî tei Arii mai i nia i te hoê Hau Arii atoa o teie nei ao. “E ite to mata i te arii ma to’na atoa ra unau-na: e ite hoi i te fenna i te atea e ra. Isaia 33:17.”

E homa e au mau hoa tai’o vea e, e tamata rii ana tatou i te tai’o faahou â i ta tatou irava tumu tei faahiti hia i nia nei i te Salamo, e a uiui rii ana ia tatou iho e, eaha, o tana mau arii ra anei ia teie, o tei “haamauhia to’na ra

huaai e a muri noa'tu'', e tei patu hia no ratou te 'terono tae atu i te mau ni atoa ra? Eaha ta'oe pahonora?

Hou na mua'e i te poheraa o te Patereareha ra o Iakobo, haamaitai atura oia i ta'na ra tamaiti ia Iuda, na o atura; "e ore roa Iuda e ere i te SEPETA, e to'na huaai i te haava, e tae noa mai Silo." Genese 49:10. Teie nei mau tao'a e homa e; te SEPEPA, te TERONO, te TARAUNU, e mau tao'a ana'e ia te reira na te hoê Arii, e tei mau ana'e hoi i te reira ra, e au ia e, e huaai ana'e ia na Iuda e na Davida. Tana tao'a nei o tei pupu paatoa ana'e hia'tu ia i te Arii Vahine apî no Paratane; te Terono, te Sepeta, te Taraunu, etc.

E huaai anei teie nei Arii Vahine o Elizabeta no IUDA, no DAVIDA?

Te mau hui mana Arii paatoa no Europa, ua haamau hia to ratou ra tuatapaparaa i raro roa i nia ia Eduara I no Paratane o tei faaipoipo ia Eleonor o Castile, Paniora, i pu paatoa mai ai te opu Arii no Europa mai te motu ore tae noa mai i te nei Arii apî ia Elizabeta II.

I te matahiti 1135 tae noa'tu i te matahiti 1204 A.D., te ora ra i reira te hoê taata tei parau hia to'na i'oa ia Mose Maimonide. E taata Ati Iuda aravihi e te maramarama, e papai parau tuatapapa te toroa. Te vai ra i roto i to'na rima i tana anotau ra te hoê mau parau tuatapapa e te mau aufan fetii hui Arii no Europa e te ao taatoa nei o tei tuati roa i raro i te Fare o Davida te Arii o Iseraela. Te vai atoa ra e toru tuatapaparaa tae taa maitai te tahi i te tahi tei faaherehere hia no teie â Arii o Davida. Hoê, na roto ia i te

mau Arii matamua no Scottish e Irish, a tae roa'tu ai i raro i te tamahine a te Arii ra o Zedelia no Iuda. Te piti ra, na roto ia i te mau Arii Welsh e tae roa'tu ai i raro ia Ana, o tei parau hia e, e vahine fetii (cousine) no Maria te metua vahine no Iesu, Te toru ra, o tei haapaohia ia e te mau papai parau no te Ati Iuda, oia hoi, no te mau titi raa o te mau ui e rave rahi i Peresia e i muri iho i Italia. Teie nei tuatapaparaa hopea nei, o tei tuati roa mai ia i te mau hui mana no Europa.

“Nou i Arii ai te mau Arii, e i faatupu ai te hui Arii ra i te parau tia. Masali 8:15. Oia mau roa teie nei parau. Te faatupu mau nei te mau hui Arii o te ao nei i te mau parau papai, ia vai tia teie nei opu Arii o te fare o Davida tae atu i te hopea. TE ARII VAHINE O ELIZABETA, NO REIRA MAI OIA?

Ia tatou ra, te mau melo no teie nei Ekalesia, te Ekalesia a Iesu Mesia te Feia Mo'a no te Mau Mahana Hopea nei. Eaha, e tuatapaparaa faufaa anei te reira na tatou? Teie ia te pahonora, e mea faufaa rahi roa ia, no te mea, to tatou mau Peropheta o teie nei Ekalesia, no roto atoa ana'e ratou i taua opu Arii no Paratane ra. Te Peropheta ra o Iosepha Semita, Berikama Iuna, Ioane Tera, Virifora Vuturufa. Iosepha F. Semita, Hebera Garanada, Tihoti Alabereta Semita, Reubena Tarati, Tetefano L. Ritae, Ligaranada Riteti, e rave rahi atu â te mau taata rarahi no teie nei Ekalesia no roto i taua opu Arii no Paratane ra. No roto mai to ratou mau tupuna atoa ia Eduara I no Paratane i faaipoipo atu ia Eleonor o Castil Paniora,

tatou
api 3

Ec

Eleonor
Eduara
Matiriri
Edmo
Viliam
Ani Fe
Sybil I
Elizabe
Sybil V
Ioane S
Mari F
Samuel
Samuel
Asaher
Iosepha
IosephaSemita
atea a
zabeta

Teie i raro nei te tuatapaparaa tei boroa hia mai ia tatou e te vea ERA na te Ekalesia no te avae Me 1953, api 318.

Eduara I no Paratane-faaipoipo-Eleonore o Gastil, Paniora
Tane I--Gilbert no Clare - Prence Joan o Acre - tane
piti - Rarefa Monthermer.

Eleonore de Clare	Elizabetha de Clare	Mari de Monthermer
Eduara le Dispancer	Elizabetha d'amory	Isabera Contess of Fi
Matirita le Disponcer	Matirita Bardolf	Ioane de Felton
Edmo Farrers	Ioane welles	Elizabetha de Felton
Viliamu Farrers	Ioane Welles	Ioane Hastings
Ani Ferrers	Eleonore Welles	Roger Hastings
Sybil Deverens	Constance Poyning	Katarina Hastings
Elizabetha Baskerville	Ioane Paulet	Edmond Dalton
Sybil Vaughan	Eleonore Paulet	Roger Dalton
Ioane Scudamore	Ioane Gifford	Mari Dalton
Mari French	Ana Gifford	Ioane Heblethwaite
Samuera Semita	Riteti Goddard	Joahua Heblethwaite
Samuera Semita	Edua Goddard	Agnes Heblethwaite
Asahera Semita	Viliamu Goddard	Agnes Tera
Iosepha Semita Metua	Edua Goddard	<u>Ioane Tera te Peropheta</u>
Iosepha Simita te Pero- pheta.	Ebeneza Goddard	
	Susana Goddard	
	Abigail Howe	
	<u>Birikama Iuna te Peropheta.</u>	

Te tuatapaparaa teie o to tatou Peropheta o Iosepha Semita, Birikama Iuna e Ioane Tera, e mau fetii (cousine) atea ana'e ratou no te Arii Vahine apî no Paratane, o Elizabetha.

Noa E Te Diluvi

(Genese pene hitu e te vau)

E tamaiti ta Metutaela, o Lameha to'na ra i'oa, e ia tae o Lameha i te 182 o to'na matabiti, fanau maira oia i te hoê tamaiti, e ua parauhia oia o Noa.

E tootoru tamaiti ta Noa, na parauhia te matahiapo ra o Iapheta, e te tamaiti hopea ra, na parauhia oia o Hama, e te tamaiti i ropu ra, ua topahia te i'oa Sema i nia ia'na. Ua tavini maite o Noa e ta'na ra mau tamarii i te Fatu i te mau mahana atoa, e ua parauhia hoi ratou "te mau tamarii a te Atua".

E peropheta o Noa, e ua ao noa'tura oia i ta'na ra feia, mai te faaite ia ratou ia ore ratou e tatarahapa, e haamouhia ia ratou. Ua paraparau maira te Atua ia'na i te huru no ta ratou mau ino, mai te parauraa e, "E ore roa Tan Varua e maro i te taata e a muri noa'tu," Ua faaite ra Oia ia Noa, e tia i Oia hoê hanere e piti ahuru i te matahiti, e ia ore ratou e tatarahapa, e tuu maira Oia i te Diluvi i nia'ho ia ratou.

Te ora ra, i taua tau ra te feia tino rarahi, e na ini ia ratou i te ravea e taparahi ia Noa, area ra, na paruru maira te Atua ia'na. Ua haere maira te Atua ia Noa, oia ia te taata maitai a'e i te taata'toa i to'na ra anotau, e ua hahae oia i pihai'ho i te Atua, e ua na reira atoa ta'na na tamaiti.

Na roto i to ratou faaroo-ore i te paran a te Atua, faaen maira te Atua ia Noa ia hamani oia i te hoê pahi, ia faa-

orahia oia e to'na ra utuafare, a tae mai ai te diluvi. Ua parauhia Noa ia hamani i te hoê piha i roto i taua pahi ra ei vairaa no te mau animala e rave rahi, e te mau manu no te reva. Ua hinaaro te Atua ia faaora ta taipiti noa i te man mea ora atoa i nia i te fenua nei, ia ora noa a ratou i muri a'e i te diluvi, e faaî faahou i te fenua nei.

Ia oti a'era te pahi i te hamanihia, putuputu maira Noa e ta'na ra mau tamarii i te mau animala e te mau manu atoa i roto i te pahi ra, afai-atoa-maira raton i te maa, e te tahi atu mau mea i roto i te pahi, no to ratou oraraa apî, i muri a'e i te diluvi. E i te hopea, ua ineine te mau ohipa atoa, haere atura ratou, e ta ratou mau vahine i roto i te pahi, opani maite ihora ratou i te opani no te pahi ra.

Haamata ihora te diluvi. Ua mairi mai te ua e maha ahuru ao e e maha ahuru rui. Ua haapuai maira hoi te mau anavai e te pape pihaa i te pape rahi. Painu noa'tura te pahi mai te peapea ore, e tei roto i taua pahi ra o Noa e to'na ra utuafare atoa. Te feia i toe mai i nia i te fenua nei, pohe ana'e ihora ratou. Ua faaino a'enei ratou ia Noa, e aita hoi ratou i haapao noa'tu i ta'na ra mau parau, e i te hopea, ua pohe roa ratou no ta ratou ohipa ino.

Ua mairi noa maira te ua, e ua tahe puai roa te mau anavai pape, e te mau pape pihaa, e tae noa'tu ua mairi mai te mau mou'a i raro a'e i te pape. Ua riro ia e, mai te peu ra, te bapetozo ra te Atua i te ao nei.

Ia mairi hoê hanere e pae ahuru o te mahana, ua faa-farara ihora te Atua i te hoê mata'i ua nia i te fenua ia pa-hee taua moana ra. U atura te pahi i nia i te hoê mou'a

parauhia Ararata, i te tufaa fenua Aramania, fatata roa mai i te fenua Paletetina. Ia mairina mahana maha ahuru, ua iriti Noa i te hoê haamaramarama, tuu atura oia i te hoê oreba, aita ra i maoro hoi maira taua oreba ra no te mea, aita i roa ia'na te hoê tiahaparaa. Ia mairi faahou na mahana e hitu tuu faahou atura oia i te tahi uupa, e aita hoi i maoro, hoi maira oia, area i taua taima ra, ua afai atoa maira i te hoê rau Olive i roto i to'na ra vaha. I reira, ite ihora Noa, ua iti roa te pape toe i nia i te fenna nei. Ua tia i oia, hoê hepedoma faahou, tuu atura i te tahi manu, tia i ihora, ia hoi mai taua manu ra. Aita roa ra oia i hoi mai.

Iriti ihora Noa e ta'na ra nau tamaiti i te mau opau no te pahi. Ite a'era ratou ua maro ra te fenua. Tuu atura ratou i te mau animala, e te mau manu o te reva i rapae au i te pahi ra, e ua haere atoa ratou i rapae au. I reira, na roto i te mauruuru rahi i roto i to ratou mau mafatu na patu ratou i te hoê papa, pupu atura hoi ratou i te hoê tutia matitai i te Atua.

E vau noai'ho taata i roto i to Noa utuafare. O Noa e ta'na ra vahine, e ta'na nau tamaiti tootoru, e ta ratou mau vahine. Aita'tu e taata i nia i te fenua nei, o ratou ana'e hoi te taata i teie nei ao. Faane maira te Atua ia ratou ia haamata faahou i ta ratou mau ohipa, faatia i to ratou mau fare, faaapu i te fenua, e faarahi i to ratou mau utuafare i te tamarii.

Ua tapu maira te Fatu ia Noa, eita roa e tae faahou mai te diluvii nia i te ao nei, e tuhia hoi te hoê anuanua i roto i ra'i ia riro te reira ei haamana'oraa i te taata'toa, i teie tapuraa.

Te Patu I Babela

Genese 11

Ua purara oioi noa ihora to Noa mau utuafare oia atoa to ta'na ra man tamarii, mai te au i te tereraa o te mau matahiti, e ua haamata ihora i te imi i te hoê faaearea i rapae atu i te vahi i mauhia e te pahi ra. Ua haere atura te vetahi i nia i te hoê vahi papu o tei parauhia Sinara, o tei riro atoa o Bapulonia i na taime i muri mai e mai te huru e maha hauere maire i te pae hitia no Peretetina. I reira na faatia ihora ratou i to ratou mau tiaahapa. Ua hamani atoa ihora ratou i te mau ofai araea no te faatiaraa i to ratou mau fare e rave rahi atu mau patu. Na roto i ta ratou mau hamaniraa ofai araea e vari u'au'a, riro ihora ratou ei mau tamuta rahi e opua ihora hoi i te hamani i te hoê oire. E no te mea te rahi noa'tura ratou ua roa'a ihora ia ratou te aau teitei e te nounou hoi. Ua rave puai ihora ratou i te ohipa no taua oire ra ia riro hoi ei oire rahi, e oire feii-atoa-hia e te taata atoa ra.

I to ratou faatiaraa i taua oire ra, ua opua atoa ihora ratou i te hamani i te hoê patu rahi e tae noa'tu i te taime aputa atu ai to'na ra upoo i nia i te ra'i. Inaha ua haamata ihora ratou i te hamaniraa i te mau ofai patu e rave rahi o te hinaarohia, i reira, haamata ihora ratou i te ohipa no taua patu ra.

I roto i na mahana e na hebedoma ua rave itoito ihora ratou i taua ohipa ra. Te tupu rahi noa'tura hoi taua patu ra, area ra na roto i to ratou rahiraa ua haamata ihora taua nunaa i te teoteo.

Ua faaahaha ihora hoi ratou na nia i te ohipa o ta ratou i rave ra. Na roto i te mau mana'o teitei i tupu i roto i to ratou mau mafatu ua aramoina atura ia ratou te Atua e oia atoa te haapiiraa o tei tupu na roto i te diluvi. Ua faatupu ihora taua mau mea ra i te oto rahi o te Atua o tei tamâ i teie nei ao na roto i te hoê taime poto. E ia tae aera i te hoê taime ua pou maira te Fatu i teie nei ao, no te hioraa'tu i taua oire ra, e tae noa'tu i taua patu ra.

Ua ite atoa hoi Oia mai te mea aita ratou e faahaehaa ia ratou, e riro atoa ia ratou i te faautuahia mai to ratou ra hui tupuna o tei pohe ana'e i te diluvi.

Ua opua ihora hoi Oia i te faaora ia ratou i ta ratou mau ohipa hape. E no reira, na mana'o ihora Oia ahiri Oia e haapurara ia ratou e riro ia ratou i te faaore i ta ratou mau amuiraa ino no te haamataraa'tu i te hoê oraraa maitai. E e ravea hoi ta te Fatu no te raveraa i taua mau mea ra. Ua parau ihora Oia mai haere ana'e tatou i raro e faahuru e ana'e tatou i to ratou mau re'o ia ore ratou ia taa te tahi i te tahi. O Ta'na ia ravea e o tei faatupu atoa ia i te mau re'o e raverahi i teie nei ao, o ta ratou i paraparau noa ratou ratou iho.

Mai taua taime ra aita atura taua nunaa ra i taa faahou i te mau parau ta ratou e parau, e ua mo'e atoa hoi ia ratou te faufaa rahi no ta ratou ra mau ohipa. Ua riro atoa to ratou hoaraa i te taa e. E rave rahi o ratou i faarue ana'e i te oire, no te haereraa'tu i te mau vahi êê. Mai taua taime atu hoi to te Fatu haamataraa i te haapūrararaa ia ratou i te mau vahi atoa o teie nei ao.

Te

to'na
i te ta
ohipa,

tai ma
nei oia
Mision
tu i te
te raa
ia'na.
tapae

faariir
te fare
i reira
te tahi

Maeva
haapay
faatael
hoê ta
no tau

va, ter
na pae
me i

Te Tere Haati o to Tatou Pahi o Paraita

Na roto i te faaueraa a to tatou Peresideni Ioane e to'na ra hoa o Farani, ua tere atura to tatou pahi o Paraita i te tahi mau fenua tuamotu no te hoê tere hi'opoa i te mau ohipa, e mau melo o te Ekalesia, i tera amaa e tera amaa.

Ia tae a'era i te 21 no Tiurai i te mairiraa mahana ua tai maira te pû o to tatou nei pahi ei faaiteraa e, te reva nei oia. Tei niai'ho i te pahi te tauturu piti o te Peresideni Misione o Reri: e te hoê mau horo patete o tei ratere atoa'tu i teie tere. E tei tauturu i te faaterera i te mau ohipa o te raatira ra ia o Tutu Palmer, e te mau taata i raro a'e ia'na. I na mahana e piti i to matou tereraa na te moana, tapae atura te pahi i Fakarava.

I te reira taime tairuru maira te mau huiraatira no te faariiraa mai ia matou, te manuhini o tei ratere ana'e'tu no te farereiraa'tu ia ratou. Hoê ahuru ana'e melo te parahira i reira, e ua reva atu te Peresideni amaa o Tane a Maire, e te tahi mau melo i te hopuraa parau.

I muri a'e ua haapaohia te hoê apooraa i faaterehia e Maeva â Marunui peresideni no te haapiiraa Sabati, no te haapapuraa i te huru o te tiaraa o te Ekalesia i reira, ua faataehia mai te hoê aniraa ia matou te mau manuhini, no te hoê tamaa raa tei faatupuhia e te mau taeae e te mau tuahine no taua amaa ra.

I te toparaa te mahana faarue atura Paraita i Fakarava, tere atura mai te hau e te peapea ore. I te poipoi mahana pae i te 24, na tapae atura i Raraka. No te poto o te taime i to matou farerei i te mau taeae e te mau tuahine, ua

tupu atura ra to matou oaoa rahi. Area ra, aita matou i farerei i te peresideni amaa, na reva ana'e i te hopu pârau. Mai reira reva'tu ra matou i Makemo, o Makemo ra o te hoê ia fenua i piri noa'tu i Taega e Nihiru. Ua farerei matou i te mau melo o te Ekalesia e te mau hoa no tatou. Ua tupu hoi to matou mauruuru i te iteraa i te huru o te amaa Taega, na roto i te tuatapaparaa a to'na ra peresineni o tei tiabapa atu i Makemo.

I te reira taime, ua haapaohia te hoê amuiraa no te tereraa o te mau ohipa. I muri mai faatae atura matou i to matou aroha ia ratou, reva'tura i Nihiru. I taua abiahi ihora tapae atura matou i reira. Area ra, noa'tu tē poto o teie tere, ua rahi roa to matou oaoa i teie farereiraa poto. E rave rahi te mau melo o tei amui mai ia matou na roto i te hoê amuiraa maitai i faatupuhia. I roto i teie amuiraa ua faaite-atoa-hia'tu ra te mau huru no teie amuiraa ta tatou e rave nei. Ia oti a'era te mau haaputuputraa, tere atura i Hikueru.

Ua tupu hoi te mauruuru i to matou farerei-faahou-raa i na orometua toopiti o Jo e Maurice, o ta te Peresideni i tonu atu ei mitinare i rotopu i te hoê nunaa o tei ore â i matauhia e raua. Area ra, te tupu atoa nei hoi to matou oto i te mea ê, a tae atu ai matou i reira ua tupu te hoê fifi i roto i te utuafare o Teopekeiragi â Mariteragi, no te poheraa o te hoê ain iti mainai. Noa'tu ra te reira, ua tamata noa matou i te faafaro i te mau ohipa no to matou nei tere, ia riria hoi ia matou i te hoê taime poto, ia tere atu i Takume no te hoê tere poto o Raituia â Tapu no te hi'opoaraa i te huru o te faapaparaa pârau, e rave rahi atu â mau ohipa ma-

itai. Mai reira, rave atura matou i te purumu no Takaroa, mai te au i te faatereraa a te raatira ra o Palmer. A tere noi matou na te moana, ua faatupuhia te hoê mau pureraa fetii ei haamana'oraa i te mau haamaitairaa a te Atna. I te tabi mau po, ua himene mai te mau hoa, e ua faatai-atoa-hia te kitara e te pu a Raituia Tapu e Tutu Palmer, e mea au e no te taria mau.

Ia poipoi a'era, puta maira te fenua ra o Takaroa, mai te huru o te hoê uâ'a tiare o te painu atu na nia i te moana rahi o Patitifa, tei turama-noa-hia hoi e te hini o te mahana o teie nei pae au moana.

Ua tupu roa tou, e to matou atoa oaoa i te tapaeraa atu i teie fenua maitai. I to'u nei ra mana'oraa ua riro teie motu ei motu o tei hau atu i te nehenehe. I te taime matou i tae atu ai i te oire, aita hoi e taatahia, tei te vahi hopuraa pârau. I muri mai ra, ua tae mai e piti kau, o tei tietie atu ia matou i gake, ia farerei i te mau melo o te Ekalesia.

Ua farerei atura matou i te pesideni amaa, e te peresideni Matainaa, e to'na hoa, e na orometua toopiti o Walter e Rotini, e Teriki, peresideni no te amaa, tae noa'tu i te mau melo o te Ekalesia, e vetahi atu â mau hoa no tatou.

I tana ahiahi ra, faa-tupu-hia ihora te amuiraa e te feia api. I tana taime ra, ori maira te mau feia api tane, e te mau feia api vahine, i ta ratou mau oriraa faahiahia e te maitai, oia atoa, te pupu kitara, e te himene, ua hope roa ia te au. E rave rahi atu â, mau ohipa maitai e te faahiahia a teie nei mau ui api i rave mai. Tupu atura hoi to matou oaoa rahi no teie mau ohipa maitai. Area ra, na roto i te potu o te taime, faaafaro ihora matou i te mau ohipa no to

matou nei tere, reva'tura i Takapoto. I nia i teie nei fenua hoê â ia huru faariiraa i faatupuhia.

Tau na mahana i muri mai, tae atura matou i Makatea. Uu mauruuru hoi matou no te amuiraa maitai ta matou i farii afaaea rii ai i reira. I te reira taime, ua faatupu ratou i te hoê oroa faaipoiporaa i na taata ra, o Maeama a Tautu, e Teuruna a Tahiaata, no te tomoraa mai i roto i te Ekalesia nei. Hou ra matou a hoi mai ai, ua faaitehia'tura te parau no teie amuiraa rahi e ravehia nei i teie avae.

A faaoti ai au i ta'u nei parau, e mea tia roa ia faaite atu i to'u mauruuru rahi, i te mau taata atoa tei tauturu mai no te pae maa, e tae noa'tu i te mau oroa oaca rahi tei farii-hia e matou, e riro hoi ia ei haaman'oraa i to outou here rahi ia matou i roto i te faaroo nei.

Te tiaturi nei au e tamau noa tatou i te here te tahi e te tahi, mai te au i te faaueraa a te Ekalesia.

Papaihia e Leri Caldwell

PARAU RII API

Parau Apî No Teie Hopuraa Parau

A ono a'enei taata i pohe i onei maite haamataraa mai â o te hopuraa parau. E piti, e aiu ia. E piti faahou, e na vahine paari ia, o Mamaoa te tuhine o Hoga no Marokau. e Tematahotu te vahine a Fare no Kankura, e melo apipiti teie na vahine no te Ekalesia nei.

E piti faahou ra, e na taata pohe ia i te pohe tapatari. O Tairi e melo Sanito no Arutua e o Tane e taata Rurutu e parahi tunu ana ra i Manihi, e taata Porotetani.

Te Rahiraa Pârau I Roaa Mai

Ua hanere e piti ahuru e tiahapa tane pârau i tae i uta i teie mahana, noa'tu â te mau mahana vero matai tei ore i hopuhia. Te haere roa nei te roto pârau o Takaroa i mua i te mau roto pârau rarahi o Oteania nei.

Te Mau Pahi IAKI I Tapae I Takaroa

A pae a'enei mau pahi popaa (Yacht) Iaki i tapae mai i teie tau hopuraa pârau nei. E piti no Paratane, e piti no Marite mai, hoê no Niu Tirani mai. Ua riro teie nei mau manuhini popaa ei mau hoa maitatai roa no te mau taata i onei, ua anaanatae roa to ratou mau aau i te mea e, atahi ra ratou a ite ai i te huru no te ohipa hopuraa pârau. Ua faahe-rehere-maitai-hia hoi ratou tae noa'tu i to ratou faarueraa mai i Takaroa nei.

Amuiraa Tetepa

Te faaineine nei teie Amaa Takaroa i ta'na mau ohipa no te Amuiraa e faatupuhia i te avae Tetepa i Faariipiti.

E Parau Mauruuru

Ua papaihia i roto i te Mataio, pene 6, e te irava 33, "E mata na ra outou i te imi i te Basileia o te Atua, e te parau tia Na'na, e amui-atoa-hia taua mau mea ra ia outou." Na roto i te haamana'oraa i teie irava iti, te hinaaro nei maua o Jo orometua ia faaite atu i to maua mauruuru rahi, no

to maua faaeearaa i rotopu i to Hikueru. E mea maitai roa te mau ohipa'toa i reira. Ua aroha mai te mau taata ia maua, mai te horoa mai i te hoê fare maitai no maua. Faaamu iho-ra ia maua i te maa maitai. No reira, na roto i teie parau iti, te faaite faahou atu nei maua i to maua mauruuru ia outou paatoa, e mai te au i te parau i papaihia i nia nei, te imi nei outou i te Basileia o te Atua, na roto i te rave-itoitoraa i te ohipa a te Fatu. Ia ora na.

Papaihia e Maurice

Te Aiu I Pohe a Taahu Mariteragi

I roto i teie avae a'enei, ua tae mai te parau faaite ia matou ua pohe te aiu na Taahu e Elina Mariteragi i Hikueru. Ua tupuhia oia i te ma'i i parauhia "puta toetoe". Te faaite atu nei te Heheuraa apĪ i to'na ra aroha i na metua e te mau hoa e te mau fetii atoa no teie aiu, mai te faaitoitou atu ia ratou pau roa. Mai te au i te mau parau i haapiihia mai e Iesu i Ta'na ra anotau, na o maira, a tuu noa mai ia haere mai te mau tamarii Ia'u nei, mai ia ratou te Basileia o te ao. E ua na o faahou maira Oia, ia ore outou ia riro mai te tamarii rii te huru, aore ia outou e o i te Basileia o te ao ra. No reira, e parahiraa maitai to te aiu e te tamarii atoa i roto i te Basileia o te ao ra, e na roto i te haapaoraa e te raveraa i te mau ohipa maitatai i faauehia mai e tae ia tatou i te parahiraa i mana'ohia no taua mau aiu nei.